

U G O V O R

Broj: 0602-3439-5/18

Radovi na rušenju i premještaj cvjećare na groblju Sv.Josip po
Zaključku o izvršenju broj 19-23-874/17 od 20.02.2017. godine

UGOVORNE STRANE:

UGOVORNI ORGAN: KJKP „POKOP“ d.o.o. Sarajevo, Mula Mustafe Bašeskije 38,
kojeg zastupa Direktor Goran Cerić (u daljem tekstu: Ugovorni organ)
ID broj: 4200119040004; Porezni broj PDV: 200119040004;

DOBAVLJAČ: GD Rad d.d. Konjic ul, 4. Muslimanske brigade bb, kojeg
zastupa direktor Hamid Hajduk (u daljem tekstu: Dobavljač)
ID broj: 4227060120004, porezni broj PDV: 227060120004.

UVODNE ODREDBE

Član 1.

Ugovorne strane sklapaju ovaj Ugovor na osnovu provedenog direktnog postupka za javnu nabavku – Radovi na rušenju i premještaj cvjećare na groblju Sv.Josip po Zaključku o izvršenju broj 19-23-874/17 od 20.02.2017. godine, prihvaćene ponude Dobavljača broj 0602-3439-3/18 od 16.10.2018. godine i Odluke o odabiru ponuđača sa kojim se zaključuje direktni sporazum broj 0602-3439-4/18 od 18.10.2018.godine.

PREDMET UGOVORA

Član 2.

Predmet ovog Ugovora su radovi na rušenju i premještanju cvjećare na groblju Sv.Josip po Zaključku o izvršenju broj 19-23-874/17 od 20.02.2017. godine, prema prihvaćenoj ponudi Izvođača, a po ukazanoj potrebi Ugovornog organa.

UGOVORENA CIJENA

Član 3.

Cijena radova koji su predmet ovog Ugovora bez PDV-a iznosi	5.900,00 KM
PDV na ponuđenu cijenu radova iznosi	1.003,00 KM
Cijena radova koji su predmet ovog Ugovora sa PDV-om iznosi	6.903,00 KM

PLAĆANJE

Član 4.

Ugovorni organ će plaćanje cijene iz člana 3. ovog Ugovora izabranom Izvođaču izvršiti u roku do 30 (trideset) dana po ispostavljanju Izvještaja o izvršenim radovima sastavljen i ovjeren od strane Komisije za prijem radova i ovlaštenog predstavnika Izvođača.

Izvođač je dužan izdati/sačiniti fakturu u skladu s odredbama pozitivnih propisa, u suprotnom ista neće biti plaćena i biti će vraćena Izvođaču na usklađivanje.

Uslovi plaćanja i drugi uslovi koje Izvođač jednostrano unese u fakturu ne obavezuje Ugovorni organ ni onda kada je fakturu primio, a nije joj prigovorio.

Član 5.

Plaćanje će se vršiti na transakcijski račun Izvođača radova broj 1020080000061614 otvoren kod Union Banka d.d. Sarajevo.

ROK ZA IZVOĐENJE RADOVA

Član 6.

Izvođač se obavezuje da sveukupne radove iz člana 2. ovog Ugovora izvrši u roku od 7 (sedam) kalendarskih dana od dana uvođenja u posao.

Pod uvođenjem u posao, u smislu prethodnog stava, smatra se potpisivanje ugovora, predaja lokacije za izvođenje radova i imenovanje lica ovlaštenog za nadzor od strane Ugovornog organa, odnosno ovlašteni predstavnik od strane Izvođača radova.

OBAVEZE IZVOĐAČA

Član 7.

Izvođač se obavezuje da:

- Izvede ugovorene radove u svemu prema predmjeru i predračunu radova, nalogima ugovornog organa, te važećim tehničkim propisima i standardima za ovu vrstu radova;
- Prilikom izvođenja radova na rušenju i demontaži obavezno radove izvoditi uz predhodne konsultacije sa nadzorom i investitorom;
- Sve radove vršiti uz maksimalnu zastitu okolnih objekata i lica koja se nalaze na ulici;
- Prilikom rusenja obavezno izvršiti podupiranje konstrukcije te vršiti kvasenje suta kako se ne bi dizala prasina;
- Prilikom rušenja AB ploča ili zidova ne smije doći do veće vibracije zbog stabilnosti konstrukcije postojećih elemenata. Prethodno je potrebno isključiti, blindirati i osigurati sve instalacije.
- Uredno vodi izvođačku dokumentaciju i dostavlja na uvid nadzornom organu Ugovornog organa i odgovornoj osobi za praćenje realizacije ugovora ispred Ugovornog organa;
- Nadoknadi eventualnu štetu nastalu nesavjesnim postupanjem u toku izvođenja radova ili je otkloni o svom trošku;
- Uredi gradilište po završetku radova.

OBAVEZE UGOVORNOG ORGANA

Član 8.

Ugovorni organ se obavezuje da:

- Osigura slobodan pristup lokalitetu izvođenja radova;
- Imenuje odgovornu osobu za praćenje ovog ugovora;
- Od Izvođača primi izvedene radove;
- Izvođaču plati ugovorenu cijenu na način i u rokovima utvrđenim ovim ugovorom.

UGOVORNA KAZNA

Član 9.

U slučaju kašnjenja u izvođenju radova, do kojeg je došlo krivicom Izvođača, isti će platiti ugovornu kaznu u skladu sa Zakonom o obligacionim odnosima, u iznosu od 1 ‰(promil) ugovorenih radova, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti koja je predmet nabavke. Izvođač je dužan platiti ugovorenu kaznu u roku od 7 dana od dana prijema zahtjeva za plaćanje od ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje izabrani ponuđač nije mogao uticati niti ih predvidjeti.

OSTALE ODREDBE

Član 10.

Za sve što nije određeno ovim Ugovorom, primjenjivaće se odredbe Zakona o obligacionim odnosima.

Član 11.

Sve eventualne nesporazume nastale po ovom Ugovoru, ugovorne strane se obavezuju riješiti sporazumno, u protivnom nadležan je Općinski sud u Sarajevu.

Član 12.

Ovaj Ugovor sačinjen je u 6 (šest) istovjetnih primjeraka, i to 2 (dva) za Izvođača, 4 (četiri) za Ugovorni organ

UGOVORNI ORGAN

KJKP «POKOP» d.o.o. Sarajevo

Direktor, Goran Cerić

Broj, 0602-3439-5/18

Sarajevo, 19.10.2018.god.

IZVOĐAČ

GD Rad d.d. Konjic

Direktor, Hamid Hajduk

Broj, 01-1905/18

Sarajevo, 19.10.2018.god.